

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 Su 272692 26 Su
Zenica, 22.07.2026. godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj: 38/05, 22/06, 63/10, 7/13, 52/14 i 85/21) i člana 47. Pravilnika o unutrašnjoj organizaciji Općinskog suda u Zenici, predsjednica Općinskog suda u Zenici, Alma Spahić, objavljuje

JAVNI OGLAS
za prijem pripravnika-volontera u Općinski sud u Zenici

I

Raspisuje se oglas za prijem 1 (jednog) diplomiranog pravnika u svojstvu pripravnika – volontera (u daljem tekstu: pripravnik – volonter) za potrebe Općinskog suda u Zenici, na period do 2 (dvije) godine, bez zasnivanja radnog odnosa, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

II

Međusobna prava i obaveze između pripravnika - volontera i rukovodioca Općinskog suda u Zenici uređuju se ugovorom. Po završetku stručnog osposobljavanja rukovodilac Općinskog suda u Zenici će pripravniku – volonteru izdati potvrdu/uvjerenje o obavljenom stručnom osposobljavanju.

III

Svi kandidati treba da ispunjavaju opće uslove za rad u pravosudnim institucijama i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

IV

Pored općih uslova, kandidati trebaju da ispunjavaju i poseban uslov, i to:

- da je diplomirani pravnik, visoke stručne spreme - VII stepen ili da ima visoko obrazovanje prvog, drugog ili trećeg ciklusa Bolonjskog sistema studiranja - pravne struke koji je vrednovan sa najmanje 240 ECTS bodova.

V

Uz prijavu je potrebno priložiti, u originalu ili ovjerenoj fotokopiji, sljedeće dokaze :

- diplomu o završenom fakultetu,
- fotokopiju lične karte ili potvrdu o prebivalištu,
- prosjek ocjena završenog studija (uvjerenje od fakulteta),
- dokaz o dužini trajanja nezaposlenosti (uvjerenje nadležne Službe za zapošljavanje),
- dokaz o eventualnom postojanju invalidnosti iznad 60%,
- dokaz da nema ostvaren radni staž od jedne (1) godine i više nakon sticanja visoke stručne spreme, što se dokazuje potvrdom/uvjerenjem PIO/MIO da nije registrovan u podacima matične evidencije PIO/MIO (ovjerena kopija ne starija od 15 dana)

- ovjerenu izjavu da se kandidat, nakon sticanja visoke stručne spreme - pravne struke koji je vrednovan sa najmanje 240 ECTS bodova, nije stručno osposobljavao za samostalan rad na poslovima iz svoje struke i za sticanje potrebnog radnog iskustva na period od jedne (1) godine i više.

Kandidat koji bude izabran za pripravnika - volontera, uvjerenje o zdravstvenoj sposobnosti mora dostaviti rukovodiocu Općinskog suda u Zenici, najkasnije do zaključivanja Ugovora o stručnom osposobljavanju.

VI

Odabir kandidata za stručno osposobljavanje vršit će se na osnovu kriterija utvrđenih Pravilnikom o postupku prijema, kriterijima za izbor i postupku izbora sudskih pripravnika i sudskih pripravnika-volontera u Općinskom sudu u Zenici.

VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se na adresu: Općinski sud u Zenici, Trg BiH broj 2, 72000 Zenica, putem pošte ili lično u prijemnoj kancelariji suda, u zatvorenoj koverti, sa naznakom „**za Javni oglas za prijem pripravnika – volontera u Općinskom sudu u Zenici – ne otvarati**“, u roku od 15 dana od dana posljednjeg objavljivanja oglasa. Javni oglas će biti objavljen u dnevnom listu „Dnevni Avaz“ i na web stranici Općinskog suda u Zenici. Nepotpune i neblagovremene prijave neće biti uzete u razmatranje. O rezultatima Javnog oglasa kandidati će biti pismeno obaviješteni.

PREDSJEDNICA SUDA

Alma Spahić